



Bosnia and Herzegovina  
Federation of Bosnia and Herzegovina  
CANTON SARAJEVO  
ASSEMBLY

## Nezavisni odbor

Broj: 01-04-101-4-1 /24  
Sarajevo, 29.01.2024. godine

## SKUPŠTINA KANTONA SARAJEVO


### O V D J E

***PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli-30. Septembar 2023. godine - dostavlja se***

Nezavisni odbor na sjednici održanoj dana 29.01.2024. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli-30. Septembar 2023. godine, a u skladu s članom 45. stav 5. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, informativno.

PREDSJEDAVAJUĆI NEZAVISNOG ODBORA

Adis Šečić



1



**IZVJEŠTAJ**  
**O RADU POLICIJSKOG KOMESARA UPRAVE POLICIJE**  
**MINISTARSTVA UNUTRAŠNJIH POSLOVA KANTONA**  
**SARAJEVO ZA PERIOD 01. JULI – 30. SEPTEMBAR 2023.**  
**GODINE**

**Januar 2024.godine**



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
E-mail: [nezavisni.odbor@skupstina.ks.gov.ba](mailto:nezavisni.odbor@skupstina.ks.gov.ba)

1/20

Na osnovu člana 45. stav (1) tačka 5. Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/2016, broj: 6/2019 - autentično tumačenje, broj: 26/2019, broj: 31/2019 i broj: 39/2020) i člana 8. stav (1.) tačka 10. Poslovnika o radu Nezavisnog odbora („Službene novine Kantona Sarajevo“, br. 13/22 i 52/22), Nezavisni odbor Skupštini Kantona Sarajevo podnosi:

## **I Z V J E Š T A J**

### **O radu Policijskog komesara Uprave policije Ministarstva unutrašnjih poslova Kantona Sarajevo za period 01. juli – 30. septembar 2023. godine**

Nezavisni odbor Skupštine Kantona Sarajevo je sačinio detaljni tromjesečni izvještaj o radu Policijskog komesara na osnovu sljedećih pokazatelja:

- Izvještaja Policijskog komesara o svom radu za period juli-septembar 2023. godine,
- Informacija o aktivnostima Uprave policije za mjesec juli, avgust i septembar 2023. godine,
- Informisanja NO od strane Policijskog komesara na redovnim sjednicama u toku izvještajnog perioda,
- Informacija Uprave policije po raznim događajima, koje su tražene od strane NO tokom izvještajnog perioda,
- Kao i druge relevantne informacije za sačinjavanje izvještaja.

#### **1. Organizacija i sistematizacija radnih mjesta u Upravi policije**

U skladu sa Pravilnikom o unutrašnjoj organizaciji MUP-a KS br. 01-7-02-4934/21 od 16. 02. 2022., o Upravi policije ukupno je 2436 sistematizovanih radnih mjesta, i to 2122 (87,11%) radnih mjesta za policijske službenike, 73 (3%) za državne službenike i 241 (9,89%) za namještenike. Prema podacima iz službenih evidencija nadležne organizacione jedinice, na dan 30. 09. 2023., poslove i zadatke policijskih službenika obavljalo je 1437 (67,72%) izvršilaca. Poslove i zadatke državnih službenika 56 ili 76,71% izvršilaca, a namještenika 183 ili 75,93% izvršioca.

Na dan 30. 09. 2023. ukupno 34 policijska službenika su suspendovana (2,37%).

Ukupno 51 (3,55%) policijski službenik je na bolovanju dužem od 42 dana, dok je ukupno 354 (24,63%) policijska službenika bilo odsutno 4042 dana po osnovu spriječenosti za rad uslijed bolesti (do 42 dana).

U izvještajnom periodu 16 policijskih službenika je penzionisano.

Uvidom u službene evidencije u Upravi policije MUP-a KS, na dan 30. 09. 2023. godine, upražnjeno je ukupno 685 radnih mjesta policijskih službenika (32,28%).

U toku izvještajnog perioda Policijski komesar je pokrenuo procedure i aktivnosti za prvi i drugi nivo pristupa za zapošljavanje policijskih službenika i to:



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax: + 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

- čin policajac (250 izvršilaca), formirao komisiju za izbor (rješenje br. 02/5-1-30-1-3993 od 21. 09.2023. godine) sa zadatkom provođenja procedure prijema i odabira najboljih kandidata;
- čin mlađi inspektor (30 izvršilaca), 25.08.2023.godine, ranije formirana komisija za izbor (rješenjem br. 02/5-1-30-1-2347 od 28.04.2023. godine) je objavila javni konkurs za popunu slobodnih radnih mjesta policijskih službenika u Upravi policije MUP-a KS;

Također, Policijski komesar je intenzivirao aktivnosti u izvještajnom periodu vezano za interno unaprijeđenje policijskih službenika u upravi policije za slijedeće činove:

- Samostalni inspektor;
- Viši inspektor;
- Inspektor;
- Stariji narednik i
- Narednik.

## **2. Rukovođenje Upravom policije, te neposredno usmjeravanje i koordinacija operativnih aktivnosti iz oblasti kriminaliteta, JRM i saobraćaja**

Policijski komesar je izvještajnom periodu na mjesečnom nivou redovno održavao radne kolegije načelnika u Upravi policije MUP-a Kantona Sarajevo.

## **3. Kriminalitet**

### **3.1. Statistički pokazatelji**

U periodu od 01. jula do 30. septembra 2023. godine, na području Kantona Sarajevo, prema službenim evidencijama Uprave policije MUP-a Kantona Sarajevo, evidentirano je 975 događaja s obilježjem krivičnog djela, što je za 38 ili 3,75% manje u odnosu na uporedni period prošle godine. Od ukupnog broja registrovanih događaja s obilježjem krivičnog djela, njih 497 ili 50,97% evidentirano je po poznatom, a 478 ili 49,03% po nepoznatom izvršiocu. Naknadno je rasvijetljeno 195 događaja s obilježjem krivičnog djela evidentiranih po nepoznatom izvršiocu, od čega 69 događaja prijavljenih u posmatranom periodu, a 126 ranije. Prijavljeno je 626 osoba (45 ili 7,75% više), od kojih je 364 povratnika u vršenju krivičnih djela, što je za devet ili 2,54% više u odnosu na uporedni period, i ova kategorija čini 58,15% od ukupnog broja prijavljenih. Među prijavljenima je šest maloljetnika, što je za jedan ili 14,29% manje u odnosu na uporedni period. Ukupno 260 osoba je lišeno slobode, što je za 26 ili 11,11% više.

U izvještajnom periodu je evidentiran rast krivičnih djela iz oblasti protiv braka, porodice i mladeži (+43 ili 74,14%), protiv sistema elektronske obrade podataka (internetske prevare, +17, dok u istom periodu prošle godine nije evidentirano ni jedno krivično djelo), te smanjenja broja krivičnih djela u oblasti protiv imovine (-88 ili 14,81%). Najviše krivičnih djela evidentirano je u PU Novi Grad (209 ili 21,44%), a najmanje u PU Ilijaš (33 ili 3,38%).

U oblasti kriminaliteta u odnosu na slučajeve koji su od naročitog interesa javnosti i građana, Policijski komesar svakodnevno je ostvarivao neposrednu usmenu i telefonsku komunikaciju, kao i



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-055, Fax: + 387 (0) 33 562-210  
 Web: <http://skupstina.ks.gov.ba>  
 E-mail: [skupstina@skupstina.ks.gov.ba](mailto:skupstina@skupstina.ks.gov.ba)

3/20

pisanu korespondenciju s načelnikom Sektora kriminalističke policije, načelnicima odjeljenja u sektoru, kao i načelnicima policijskih uprava, a s ciljem davanja konkretnih uputa pri izvršavanju poslova i zadataka, te konsultacija u vezi s pojedinim konkretnim predmetima od posebnog značaja. Posebna saradnja je ostvarena sa Sektorom kriminalističke policije i odjeljenjima u sastavu Sektora, gdje je preduzimaio mjere i radnje nadzora i stalnog animiranja rada odjeljenja koja su nadležna za rasvjetljavanje najtežih oblika krivičnih djela iz oblasti privrednog kriminala, krvnih i seksualnih delikata, imovinskih delikata, zloupotrebe opojnih droga i kriminalističko-obavještajnog rada, te je direktno ili indirektno putem načelnika Sektora koordinirao aktivnostima svih odjeljenja i davao odgovarajuće upute i smjernice. Također, osiguravao je efikasniju saradnju s drugim agencijama za provedbu zakona, a kroz direktnu komunikaciju s rukovodiocima tih agencija/institucija, među kojima su Obavještajno-sigurnosna agencija Bosne i Hercegovine, Tužilaštvo Bosne i Hercegovine, Državna agencija za istrage i zaštitu Bosne i Hercegovine, Granična policija Bosne i Hercegovine, Služba za poslove sa strancima Bosne i Hercegovine, Federalna uprava policije, Kantonalno tužilaštvo Kantona Sarajevo, MUP RS i kantonalni MUP-ovi.

#### 4. Javni red i mir

##### 4.1. Statistički pokazatelji

Tokom izvještajnog perioda, u oblasti protiv javnog reda i mira evidentirana su 1.103 prekršaja, što je za 310 ili 21,94% manje u odnosu na uporedni period. Za izvršenje navedenih prekršaja prijavljeno je 1.145 osoba, od kojih je 297 ili 25,94% povratnika u činjenju prekršaja. Izdato je ukupno 985 prekršajna naloga i podneseno 118 zahtjeva za pokretanje prekršajnog postupka. Na prekršaje utvrđene Zakonom o prekršajima protiv javnog reda i mira odnosi se 1.031 što je 93,47% od ukupnog broja prekršaja, a na prekršaje utvrđene odlukama općinskih vijeća o javnom redu i miru odnose se 72 prekršaja ili 6,53%. Prilikom narušavanja javnog reda i mira, u izvještajnom periodu nije bilo teže povrijeđenih, dok je 29 osoba zadobilo lakše povrede (pet ili 14,71% manje).

Prema mjestu izvršenja, najveći broj prekršaja evidentiran je na ulici i drugim otvorenim prostorima (1.031 ili 93,47%), zatim na mjestima koja spadaju u kategoriju ostalih (60 ili 5,44%), ugostiteljskim objektima (osam ili 0,72%), trgovinama i zanatskim radnjama (tri ili 0,27%), te stadionima i sportskim dvoranama (jedan ili 0,09%). U odnosu na uporedni period, došlo je do rasta evidentiranih prekršaja u trgovinama (za jedan ili 50%), a smanjenja na ulici i drugim otvorenim prostorima (za 270 ili 20,75%), dok u školama i školskim dvorištima nije zabilježen nijedan prekršaj (pet bilo u uporednom periodu). Najveći broj prekršaja evidentiran je na području PU Centar (306 ili 27,74%), a najmanje na području PU Vogošća (33 ili 2,99%).

##### 4.2. Javna okupljanja

Policijski komesar preduzeo je potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, te od Sektora za policijsku podršku, Sektora kriminalističke policije i Sektora uniformisane policije zatražio sačinjavanje cjelovite analize u vezi s provedenim mjerama i radnji prilikom vršenja osiguranja, kao i podatke o ostvarenim rezultatima i uočenim nedostacima i nepravilnostima za vrijeme provođenja



aktivnosti na osiguranju. Na području Kantona Sarajevo u izvještajnom periodu održana su 743 javna skupa na kojima je po službenim procjenama prisustvovalo ukupno nešto više od 245000 posjetilaca. Policijski službenici Uprave policije proveli su planske aktivnosti u cilju bezbjednog održavanja javnih skupova, a u 213 slučajeva izvršeno je KDZ osiguranje.

Uprava policije je u dva slučaja tokom izvještajnog perioda donijela rješenje o zabrani javnih okupljanja, kako slijedi:

1. Dana 30.08.2023. godine Rješenjem Policijske uprave Novi Grad broj 02/11-4-3-403/23, organizatoru – HO „Odbor za zaštitu prava Srba u Federaciji BiH“, zabranjeno je održavanje okupljanja zakazanog za dan 01.09.2023. godine ispred Tužilaštva Bosne i Hercegovine, u ulici Kraljice Jelene broj 88, općina Novi Grad, s obzirom da organizator na zahtjev PU Novi Grad nije blagovremeno u potpunosti preduzeo naložene dodatne mjere i zbog postojanja stvarne opasnosti da bi održavanjem okupljanja bila ugrožena sigurnost ljudi i imovine, te postojanja stvarne opasnosti od nasilja i narušavanja javnog reda i mira u većem obimu, na dan najavljenog okupljanja. Na doneseno rješenje, organizator – HO „Odbor za zaštitu prava Srba u Federaciji BiH“, uložio je žalbu, koja je od strane drugostepenog organa rješenjem broj UP-II-01-04-365/23 od 31.08.2023, godine odbijena kao neosnovana.
2. Policijska uprava Centar, rješavajući po zahtjevu Udruženja „OZON BiH – Politički pokret demokrati BiH“ za održavanje javnog skupa u pokretu, na dan petak, 01. septembar 2023. godine, donijela je Rješenje o zabrani javnog okupljanja, iz razloga neblagovremenog podnošenja zahtjeva i neispunjavanja formalnih uslova za održavanje javnog skupa.

#### 4.3. Pratlje i osiguranja

Policijski službenici Uprave policije MUP-a Kantona Sarajevo su izvještajnom periodu izvršili 84 saobraćajna osiguranja, 185 pratnji ličnosti i delegacija, te 752 pratnje vanrednih – vangabaritnih prevoza.

### 5. Saobraćaj

Policijski komesar je nalagao i usmjeravao pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

#### 5.1. Statistički pokazatelji

U sklopu tih aktivnosti, policijski službenici su kontrolisali ukupno 57.963 vozila i vozača, što je za 10.774 ili 22,83% više u odnosu na uporedni period. Zbog kršenja propisa, vozačima je uručeno 57.596 prekršajnih naloga (10.337 ili 21,87% više), te su podnesena 564 zahtjeva za pokretanje prekršajnog postupka (142 ili 20,11% manje). Registrovano je 25 događaja s obilježjima krivičnog



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

djela zbog ugrožavanja sigurnosti saobraćaja, što je za jedno ili 4,17% manje u odnosu na uporedni period.

Zbog tehničke neispravnosti, iz saobraćaja su isključena 83 vozila (16 ili 16,16% manje), 1.093 vozača su zatečena da vozilom upravljaju pod dejstvom alkohola (363 ili 49,73% više), 1.274 vozača su sankcionisana zbog nekorištenja sigurnosnog pojasa (107 ili 9,17% više), 499 osoba je zatečeno da upravljaju vozilom bez položenog vozačkog ispita (31 ili 6,62% više), 171 vozač je zatečen da vozilom upravlja u vrijeme izrečene zaštitne mjere zabrane upravljanja motornim vozilom (52 ili 43,7% više), 1.832 vozača su sankcionisana zbog nepropisnog korištenja mobitela tokom upravljanja vozilom (683 ili 59,44% više). Otkrivena su 4.604 vozila da učestvuju u saobraćaju bez važeće registracije – 3.969 ili 625,04% više, što je rezultat rada nadzornog sistema „SPARTA“.

Na području Kantona Sarajevo tokom izvještajnog perioda evidentirano je 2.520 saobraćajnih nezgoda, što je za 158 ili 6,69% više u odnosu na uporedni period. Ukupno 2.290 evidentiranih nezgoda je s materijalnom štetom (202 ili 9,67% više), a 230 s nastradalim osobama (44 ili 16,06% manje).

U naseljima je registrovano 2.345 saobraćajnih nezgoda (93,06%), a van naselja njih 175 (6,94%). Prema kategoriji puta, saobraćajne nezgode su registrovane: na ulicama u naselju – 1.713 (67,98%), na magistralnim putevima – 218 (8,45%), na lokalnim putevima – 199 (7,9%), na regionalnim putevima – 84 (3,33%), te na putevima koji se ubrajaju u kategoriju ostalih – 81 (3,21%). Prema karakteristikama puta, saobraćajne nezgode su registrovane: na raskrsnicama u naselju – 370 (14,68%), na raskrsnicama van naselja – 35 (1,39%), na pješačkim prelazima – 40 (1,59%), na mostu – 16 (0,63%), u tunelu – 11 (0,44%), te na putevima koji se ubrajaju u kategoriju ostalih – 2.048 (81,27%).

Tokom izvještajnog perioda, u saobraćajnim nezgodama ukupno pet (5) osoba je poginulo. Svi poginuli su bili vozači. Povrijeđeno je 280 osoba, od kojih je 56 (20%) zadobilo teške tjelesne povrede, a njih 224 (80%) je lakše povrijeđeno.

Među teško povrijeđenima je 28 vozača (50%), 14 putnika (25%) i 14 pješaka (25%). Među lakše povrijeđenima je 139 vozača (62,05%), 54 putnika (24,11%) i 31 pješak (13,84%).

## 5.2. Uzroci saobraćajnih nezgoda

Izvještaji pokazuju sljedeću distribuciju uzroka saobraćajnih nezgoda:

- nepropisno izvođenje radnji u saobraćaju – 609 ili 24,17%
- neprilagođena brzina – 253 ili 10,04%
- kretanje vozilom unatrag na kratkom dijelu puta – 124 ili 4,92%
- nedržanje potrebnog odstojanja – 93 ili 3,69%
- negiranje prvenstva prolaza – 25 ili 0,99%
- nedržanje vozila u kretanju što bliže desnoj ivici kolovoza – 21 ili 0,83%
- nepoštivanje saobraćajnih znakova – 10 ili 0,4%



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax: + 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)



- nepropisno kretanje vozilom u raskrsnici – osam ili 0,32%
- uticaj alkohola – pet ili 0,2%
- nepropisno preticanje – četiri ili 0,16%
- propuštanje održavanja puteva – četiri ili 0,16%
- obaveza vozača prema pješacima – dva ili 0,08%
- nezaustavljanje ispred pješačkog prelaza – dva ili 0,08%
- umor – jedan ili 0,04%
- oštećenje puta – jedan ili 0,04%
- divljač na putu – jedan ili 0,04%
- teret na vozilu – jedan ili 0,04%
- ostali uzroci – 1.356 ili 53,81%

Preduzete aktivnosti nakon saobraćajnih nezgoda sa smrtnom posljedicom ili teške tjelesne povrede kod tri ili više osoba

U izvještajnom periodu na području Kantona Sarajevo se dogodilo pet (5) saobraćajnih nezgoda koje su za posljedicu imale smrt ukupno pet (5) osoba: četiri vozača motocikla (4) i jedan (1) vozač motornog vozila. Odjeljenje za saobraćajne istrage je odmah po zaprimljenim obavještenjima o istima upoznala postupajućeg tužioca Kantonalnog tužilaštva Kantona Sarajevo, a povodom navedenih saobraćajnih nezgoda u svih pet slučajeva, sukladno odredbama člana 25. stav 5. Zakona o uređenju saobraćaja u Kantonu Sarajevo, Ministarstvu saobraćaja Kantona Sarajevo dostavilo odgovarajuću informaciju, kako bi navedeno ministarstvo sukladno svojim obavezama preduzelo dalje mjere i radnje iz svoje nadležnosti.

U izvještajnom periodu, od višestrukih povratnika u vršenju prekršaja iz oblasti ZOOBS-a, privremeno su oduzeta 34 vozila od 33 osobe, koje su zbirno počinile 640 prekršaja, a njih zbirni dug po evidencijama je u iznosu od 506.478,46 KM.

## 6. Ostali poslovi i aktivnosti policijskog komesara

Policijski komesar je preduzimao sve mjere i radnje, uvažavajući zakonske i podzakonske odredbe, prioritete date od strane Vlade Kantona Sarajevo, Komisije za sigurnost Skupštine Kantona Sarajevo i Nezavisnog odbora Skupštine Kantona Sarajevo, a tokom izvještajnog perioda ostvario sam veoma dobru saradnju s Admirom Katicom, ministrom unutrašnjih poslova.

6.1. Saradnja s drugim organima i tijelima i postupanje u oblasti radno-pravnog statusa uposlenika Uprava policije

U toku izvještajnog perioda policijski komesar je održao 44. radno-konsultativna sastanka, interno sa rukovodiocima policijskih jedinica, te ministrom unutrašnjih poslova Kantona Sarajevo i predstavnicima drugih organa I tijela (ambasada, općina, Grada Sarajevo, sudova i tužilaštava, Obavještajno-sigurnosne agencije BiH I drugih).



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-055, Fax: + 387 (0) 33 562-210  
 Web: <http://skupstina.ks.gov.ba>  
 E-mail: [skupstina@skupstina.ks.gov.ba](mailto:skupstina@skupstina.ks.gov.ba)

Također, prema dinamici u skladu s potrebama i Planom rada za 2023. godinu, policijski komesar je donio 1.012 rješenja za uposlenike Uprave policije MUP-a Kantona Sarajevo, koja proizilazi iz radno-pravnog statusa.

U pogledu upravnog rješavanja, u izvještajnom periodu postupljeno je po žalbama na rješenje prvostepenog organa u predmetu izdavanja odobrenja za nabavljanje oružja B kategorije u skladu sa Zakonom o držanju i nošenju oružja i municije ("Sl. novine Kantona Sarajevo", br. 1/18, 13/18 I 30/19) i Zakona o upravnom postupku ("Sl. novine FBiH", br. 2/98, 48/99 i 61/22), te je doneseno 12 drugostepenih rješenja i to: četiri (4) rješenja kojim se poništava rješenje prvostepenog organa, a predmet vraća prvostepenom organu na ponovni postupak i osam (8) rješenja kojim se žalba odbija kao neosnovana.

U izvještajnom periodu, Policijski komesar donio je 13 rješenja o formiranju komisije/radne grupe, i to:

- Radna grupa za izradu propisa o obradi ličnih podataka dobijenih putem uređaja za videonadzor, broj: 02/5-1-30-1-4912 od 05.07.2023. godine i broj: 02/5-1-30-1-4912-2 od 11.07.2023. godine.

## 6.2. Zakonitost u radu

Kroz kontakte s rukovodiocem Jedinice za profesionalne standarde, Policijski komesar je nastavio stvarati uslove za nesmetan i nezavisan rad na provođenju unutrašnjih istraga.

U izvještajnom periodu, Jedinica za profesionalne standarde, Odjeljenje za unutrašnju kontrolu evidentiralo je ukupno 61 žalbu na rad i ponašanje policijskih službenika Uprave policije, te su u 40 slučajeva vršene provjere, a u 20 slučajeva je vođena istraga. U jednom slučaju je utvrđeno da je predstavka neosnovana. Inspektori Odjeljenja za unutrašnju kontrolu su u 53 slučaja izvršili provjere i sačinili izvještaje, a nakon uvida u dostavljene izvještaje o provjerama od strane Odbora za žalbe javnosti donesen je zaključak da u 47 slučajeva nema osnova za provođenje unutrašnje istrage, a za šest slučajeva da se ima provesti unutrašnja istraga. Odbor je razmatrao i 29 raznih pismena koje nemaju karakter žalbe.

Od 61 razmatrane predstavke, 56 predstavki su podnijeli građani, a pet predstavki predstavljaju saznanja iz službe.

U izvještajnom periodu okončana je 41 unutrašnja istraga, gdje ih je osam (8) bilo osnovanih, 11 neosnovanih, u tri slučaja bez dovoljno dokaza, u deset slučajeva obustava, u pet slučajeva odustanak, a u četiri slučaja prekid unutrašnje istrage.

U toku je 14 unutrašnjih istraga, kao i 24 provjere u vezi s podnesenim predstavkama.

U izvještajnom periodu, pored navedenih predstavki, inspektori Odjeljenja za unutrašnju kontrolu obradili su 293 razna dopisa, tokom vođenja unutrašnjih istraga uzeli 78 pisanih izjava od građana i policijskih službenika, te sačinili 16 službenih zabilješki.



U izvještajnom periodu registrovana je jedna predstavka koja ima obilježje korupcije.

Za teže povrede službenih dužnosti je tretirano osam (8) policijskih službenika, a za pet (5) je utvrđena odgovornost. U dvije predstavke postoje osnovi sumnje da su dva policijska službenika počinila težu povredu službene dužnosti iz člana 103. stav (1) tačka h) Ponašanje koje narušava ugled policijskog organa; u jednoj predstavi postoje osnovi sumnje da je jedan policijski službenik počinio težu povredu službene dužnosti iz člana 103. stav (1) tačka r) Narušavanje javnog reda i mira, posebno nepristojnim i grubim ponašanjem, tučom na javnom mjestu ili bilo kojom drugom radnjom kojom se narušava javni red i mir i tom radnjom narušava ugled policijskog organa, bez obzira na vrijeme i mjesto događaja; u jednoj predstavi postoje osnovi sumnje da su dva policijska službenika počinila težu povredu službene dužnosti iz člana 103. stav (1) tačka a) Neizvršavanje, nesavjesno, neblagovremeno i nepažljivo izvršavanje službenih zadataka, tačka h) Ponašanje koje narušava ugled policijskog organa, tačka l) prikrivanje činjenica o načinu izvršavanja službenih radnji, primjeni policijskih ovlaštenja, naročito o upotrebi sile ili vatrenog oružja vlastitom ili drugog policijskog službenika, a očigledno postoje osnovi sumnje da se radi o povredi službene dužnosti; u jednoj predstavi postoje osnovi sumnje da su tri policijska službenika počinila težu povredu službene dužnosti iz člana 103. stav (1) tačka a) Neizvršavanje, nesavjesno, neblagovremeno i nepažljivo izvršavanje službenih zadataka, tačka l) prikrivanje činjenica o načinu izvršavanja službenih radnji, primjeni policijskih ovlaštenja, naročito o upotrebi sile ili vatrenog oružja vlastitom ili drugog policijskog službenika, a očigledno postoje osnovi sumnje da se radi o povredi službene dužnosti.

Za lakše povrede službene dužnosti su tretirana tri (3) policijska službenika, te je u svim slučajevima utvrđena odgovornost. U jednoj predstavi postoje osnovi sumnje da je policijski službenik počinio lakšu povredu službene dužnosti iz člana 102. stav (1) tačka h) Neizvršavanje, nesavjesno, neblagovremeno ili nepažljivo izvršavanje službenih zadataka bez težih posljedica.

U dvije predstavke postoje osnovi sumnje da su dva policijska službenika počinila lakšu povredu službene dužnosti iz člana 102. stav (1) tačka f) Nekorektno i nepristojno ponašanje prema kolegama, zaposlenicima, pripadnicima drugih organa ili građanima.

U skladu s Instrukcijom o vršenju unutrašnjeg nadzora u Upravi policije Ministarstva unutrašnjih poslova Kantona Sarajevo broj: 01-43/19 od 16.10.2019.godine, a u vezi sa članom 2. Instrukcije o izmjenama i dopunama instrukcije o vršenju unutrašnjeg nadzora u Upravi policije Ministarstva unutrašnjih poslova Kantona Sarajevo, broj 01-7-05-5733/19 od 26.12.2019 godine, u periodu juli-septembar 2023. godine, policijski službenici, inspektori Odjeljenja za unutrašnji nadzor, koordinaciju i usmjeravanje postupili su po dvije (2) Naredbe za vršenje unutrašnjeg nadzora u organizacionim jedinicama Uprave policije. U vezi sa članom 2. stav 1. tačke c. i d. ove Instrukcije, unutrašnji nadzor je vršen kao redovan i vanredan oblik nadzora. U izvještajnom periodu, inspektori Odjeljenja za unutrašnji nadzor, koordinaciju i usmjeravanje izvršili su jedan (1) redovni i jedan (1) vanredni unutrašnji nadzor, kako slijedi:

Na osnovu pisane Naredbe Policijskog komesara Uprave policije MUP-a Kantona Sarajevo, u



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

9/20

periodu od 09.08.2023. do 22.08.2023. godine izvršen je redovni unutrašnji nadzor u PU Vogošća, sa predmetom unutrašnjeg nadzora: organizacija i metodologija rada (evidencije, planovi rada, rasporedi rada, patrolni nalozi, etc), zakonitost i pravilnost poduzetih mjera u vršenju poslova iz djelokruga rada Uprave policije, stanje unutrašnjeg rada, discipline i međusobnih odnosa, te aktivnosti policije. Izvršenim nadzorom evidentirani su određeni nedostaci koji se ogledaju u neažurnosti vođenja pojedinih evidencija, kod naloga za kontrolnu djelatnost i izvještaja o izvršenoj kontrolnoj djelatnosti uočena je uopštenost i formalnost, a pojedini planovi rada nisu ažurirani i usklađeni s konkretnim zadacima iz patrolnih naloga za policijske službenike u obavljanju svakodnevnih poslova i zadataka. Naloženo je da PU Vogošća do 01.10.2023. godine otkloni uočene nedostatke, a da načelnik PU Vogošća sačini izvještaj o tome, te isti dostavi na uvid Policijskom komesaru, nakon čega bi se izvršio ponovni unutrašnji nadzor radi utvrđivanja činjeničnog stanja.

Na osnovu pisane Naredbe Policijskog komesara Uprave policije MUP-a Kantona Sarajevo, u periodu od 07.09.2023. do 13.09.2023. godine izvršen je vanredni unutrašnji nadzor u organizacionim jedinicama: PU Stari Grad, PU Novo Sarajevo i PU Ilidža, s ciljem da se utvrdi organizacija i metodologija rada, materijalno-tehnička opremljenost, upotreba i čuvanje oružja, materijalno-tehničkih sredstava i dr., u skladu s Pravilnikom o načinu držanja, nošenja oružja i municije, opreme i posebne opreme policijskih službenika Uprave policije. Prilikom vršenja nadzora utvrđeno je da se poštuju procedure zaduženja i razduženja dugog oružja i municije, te da se uredno vode evidencije koje su propisane Pravilnikom i Uputstvom. Predloženo je da bi se službene prostorije u kojima se skladišti dugo oružje i municija trebale adaptirati i uskladiti na način da ispunjavaju potrebne uslove i standarde koji su propisani Pravilnikom o načinu držanja i nošenja oružja i municije, opreme i posebne opreme policijskih službenika Uprave policije, Ministarstva unutrašnjih poslova Kantona Sarajevo („Službene novine Kantona Sarajevo“ br.2/20).

### 6.3. Finansije, nabavka opreme i materijalno-tehničkih sredstava

U skladu sa članom 23. stav (3), tačka e) i h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20) i odobrenim Budžetom Kantona Sarajevo za 2023. godinu, Policijski komesar Uprave policije Ministarstva unutrašnjih poslova Kantona Sarajevo odobrio je obračun i isplatu plaće zaposlenicima Uprave policije za mjesec juni, juli i august 2023. godine po osnovici 330,00 KM primjenom Kolektivnog ugovora između Vlade Kantona Sarajevo i Sindikata policije Kantona Sarajevo („Službene novine Kantona Sarajevo”, broj 6/22) i Pravilnika o plaćama i naknadama državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 4/22 i 8/22), te obračun i isplatu dodatka na plaću za mjesec juni, juli i august 2023. godine, a u skladu sa Sporazumom o dodatku na plaću u 2023. godini („Službene novine Kantona Sarajevo”, broj 11/23), i to:

- Bruto plaće, doprinosi poslodavca i topli obrok za juni 2023. godine u iznosu od 6.535.093,84 KM;
- Bruto plaće, doprinosi poslodavca i topli obrok za juli 2023. godine u iznosu od 6.023.129,19 KM i



- Bruto plaće, doprinosi poslodavca i topli obrok za maj 2023. godine u iznosu od 6.351.593,44 KM.

U skladu sa članom 23. stav (3), tačka e) i h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), Kabinetu ministra Ministarstva unutrašnjih poslova Kantona Sarajevo, Policijski komesar uputio je sljedeće akte:

- Informacija o prioritetnim kapitalnim projektima iz nadležnosti budžetskog korisnika Uprava policije Ministarstva unutrašnjih poslova Kantona Sarajevo koji su odobreni u Budžetu za 2023. godinu, a čija je realizacija planirana finansiranjem putem dugoročnog kreditnog zaduženja;
- Prijedlozi i potrebe organizacionih jedinica Uprave policije koji se odnose na rekonstrukcije, investiciono i tekuće održavanje objekata MUP-a Kantona Sarajevo u 2024. godini;
- Zahtjev Uprave policije MUP-a Kantona Sarajevo za dodjelu sredstava iz Budžeta Kantona Sarajevo za 2024. godinu;
- Dopuna Budžeta Kantona Sarajevo za 2024. godinu, budžetski zahtjev Uprave policije MUP-a Kantona Sarajevo.

U skladu sa članom 23. stav (3), tačka e) i h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), Ministarstvu finansija Kantona Sarajevo, Policijski komesar uputio je sljedeće akte:

- Obrazac Z1 – tromjesečni finansijski plan budžetskog korisnika Uprava policije Ministarstva unutrašnjih poslova Kantona Sarajevo za III kvartal 2023. godine;
- Informacija sa 30.06.2023. godine o realizaciji kapitalnih projekata iz nadležnosti budžetskog korisnika Uprave policije MUP-a Kantona Sarajevo koji se finansiraju putem kreditnog zaduženja iz 2021. i 2022. godine;
- Obrazac Z3 – dodatna budžetska sredstva za budžetskog korisnika Uprava policije Ministarstva unutrašnjih poslova Kantona Sarajevo za II kvartal 2023. godine;
- Obrasci periodičnog izvještavanja za period 01.01-30.06.2023. godine;
- Ovjeren bruto bilans za period 01.01-30.06.2023. godine;
- Obrazloženje izvršavanja Budžeta za period 01.01-30.06.2023. godine;
- Ponovljeni upit o mogućnosti preraspodjele sredstava između ekonomskih kodova u okviru odobrenog Budžeta za budžetskog korisnika Uprava policije MUP-a Kantona Sarajevo za 2023. godinu, kako bi se nabavka predmetne opreme mogla realizovati finansiranjem iz kreditnog zaduženja; • Molba za upute o postupanju u slučaju naplate ugovorne kazne za kašnjenje u realizaciji ugovora;
- Faktura dobavljača KM TRADE s prapatnom dokumentacijom i nalogom za plaćanje za isporučeno vozilo za specijalne namjene – vodeni top s dodacima;
- Budžetski zahtjev Uprave policije MUP-a Kantona Sarajevo za 2024. godinu u aplikaciji eBudget, te odštampan autentičan Budžetski zahtjev Uprave policije MUP-a Kantona Sarajevo za Budžet Kantona Sarajevo za 2024. godinu;
- Informacija o dinamici utroška neiskorištenih kreditnih sredstava odobrenih za finansiranje kapitalnih projekata Uprave policije iz 2021. i 2022. godine;
- Zahtjev za preraspodjelu sredstava u okviru izvora 60 (kreditna sredstva i primici) kako bi se nabavka opreme mogla realizovati kreditnim zaduženjem;



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-055, Fax: + 387 (0) 33 562-210  
 Web: <http://skupstina.ks.gov.ba>  
 E-mail: [skupstina@skupstina.ks.gov.ba](mailto:skupstina@skupstina.ks.gov.ba)

11/20

- Preraspodjela sredstava za III kvartal u okviru Budžeta Kantona Sarajevo za 2023. godinu.

#### 6.4. Javne nabavke Uprave policije MUP-a KS

Prema odredbama Zakona o unutrašnjim poslovima Kantona Sarajevo, Policijski komesar odlučivao je o korištenju sredstava i vršenju nabavki opreme i materijalno-tehničkih sredstava u skladu s namjenom odobrenih sredstava na budžetskoj poziciji Uprave policije. Nadalje, shodno odredbama Zakona o javnim nabavkama, Uprava policije Ministarstva unutrašnjih poslova Kantona Sarajevo, kao ugovorni organ, pokretala je postupke javne nabavke donošenjem odluke o pokretanju postupka javne nabavke.

##### 6.4.1. Odluke o pokretanju postupka javne nabavke

U periodu juli – septembar 2023. godine, na osnovu Plana nabavki, odnosno posebne odluke, Policijski komesar donio je odluke o pokretanju postupka javne nabavke putem:

##### Otvorenog postupka

- nabavka usluga servisiranja kopir aparata;
- nabavka usluga produženja licenci;
- nabavka licenci (LOT 1 – Program za vještačenje računara i računarske opreme, LOT 2 – Program za vještačenje snimaka videonadzornih sistema);
- sukcesivne nabavke tonera, ketridža i ribona;
- sukcesivna nabavka usluga servisiranja motornih vozila;
- sukcesivna nabavka rezervnih dijelova za motorna vozila;
- sukcesivna nabavka pogonskog goriva za motorna vozila;
- sukcesivna nabavka motornih ulja;
- sukcesivna nabavka kancelarijskog materijala.

##### Konkurentskog zahtjeva za dostavu ponuda

- sukcesivna nabavka usluga najma opreme za printanje i kopiranje; • sukcesivna nabavka potrošnog materijala za fotolaboratoriju;
- nabavka usnika za alkotest.

##### Direktnog sporazuma

- nabavka mašina;
- nabavka usluga popravke drona;
- nabavka usluga laboratorijske i vizuelne kontrole obuće kod akreditovane laboratorije;
- nabavka potrošnog materijala za biološku laboratoriju;
- nabavka trakastih zavjesa s ugradnjom;
- nabavka fotoaparata;
- nabavka posebne odjeće (za UN mirovnu misiju, i dr.);
- nabavka metalnih palica;
- nabavka sigurnosne kase;
- nabavka trimera;
- nabavka usluga uraljivanja zahvalnica;
- nabavka usluga pregleda motornih vozila učesnika u saobraćaju u vezi s javnom sigurnošću.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: [skupstina@skupstina.ks.gov.ba](mailto:skupstina@skupstina.ks.gov.ba)

12/20

Procijenjena vrijednost pokrenutih nabavki iznosi 3.210.868,44 KM.

#### 6.4.2. Faze pokrenutih postupaka

U izvještajnom periodu, provedene su određene faze postupaka javne nabavke roba i usluga, pokrenutih na osnovu odluka Policijskog komesara, a odnose se na provođenje:

Ograničeni postupak javne nabavke

- nabavka mini video kamera.

Procijenjena vrijednost pokrenutih nabavki iznosi 490.001,17 KM.

#### 6.4.3. Zaključeni sporazumi i ugovori

Nakon donošenja odluke Policijskog komesara o odabiru najpovoljnije ponude, odnosno na osnovu okvirnih sporazuma koji su zaključeni u ranijem periodu, u izvještajnom periodu, Policijski komesar u ime ugovornog organa, zaključio je okvirne sporazume i ugovore po okvirnim sporazumima:

Ograničeni postupak

- nabavka lakog naoružanja.

Otvoreni postupak:

- nabavka usluga kolektivnog osiguranja zaposlenika;
- nabavka usluga produženja tehničke podrške za licence (LOT 1 – Amped Five i LOT 2 – IBM I2);
- sukcesivna nabavka potrošnog kompjuterskog materijala (LOT 1 – Napojne jedinice i LOT 4 – Optički uređaji);
- nabavka usluga redovnog održavanja u garantnom roku motornog vozila Toyota;
- nabavka opreme za videonadzor.

Konkurentski zahtjev za dostavu ponuda

- nabavka itisona;
- nabavka klima uređaja;
- sukcesivna nabavka prehrambenih proizvoda (LOT 1 – prehrambeni proizvodi i proizvodi široke potrošnje, LOT 2 – Meso i mesne prerađevine, LOT 3 – Svježe voće i povrće).

Direktni sporazum

- nabavka usluge popravke drona;
- nabavka usluga laboratorijske i vizuelne kontrole obuće kod akreditovane laboratorije;
- nabavka posebne odjeće (za UN mirovnu misiju, i dr.);
- potrošni materijal za biološku laboratoriju;
- nabavka mašina; • nabavka saobraćajne opreme – pantljike.

Ukupna vrijednost zaključenih okvirnih sporazuma za period juli – septembar u 2023. godini iznosi 857.627,25 KM, a ukupna vrijednost zaključenih ugovora i ugovora po okvirnim sporazumima iz prethodnog perioda iznosi 13.132.189,44 KM.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax: + 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

13/20

#### 6.4.4. Zaključeni sporazumi – dostavljene facture

Nakon provedenih postupaka javne nabavke roba i usluga male vrijednosti, u izvještajnom periodu Policijski komesar zaključio je ugovore, odnosno dostavljene su fakture za nabavke roba malih vrijednosti u ukupnom iznosu od 32.866,11 KM.

#### 6.5. Izvještavanje, zaštita tajnih podataka i informisanje javnosti

U skladu s odredbama Instrukcije o hitnom, tekućem, povremenom i statističkom izvještavanju Uprave policije MUP-a Kantona Sarajevo, policijski komesar je preduzimao mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.

Sačinjeno je 3.205 uvjerenja o činjenicama iz kaznene i prekršajne evidencije na zahtjev građana, te je izvršeno 16.439 provjera iz službenih evidencija. Pokrenut je 31 postupak za brisanje osuda iz kaznene evidencije, od čega 26 po službenoj dužnosti i pet (5) po zahtjevu stranke. Navedene aktivnosti su provodili uposlenici Odjeljenja za analitiku, planiranje i evidencije, koje je Policijski komesar nadzirao neposredno i/ili posredno.

U oblasti zaštite tajnih podataka, u izvještajnom periodu Policijski komesar je za uposlenike Uprave policije donio 151 rješenje o nepostojanju sigurnosnih smetnji za pristup tajnim podacima, pet (5) rješenja o utvrđivanju postojanja sigurnosnih smetnji i 33 rješenja kojim se stavlja van snage prethodno rješenje na osnovu kojeg je izdata dozvola za pristup tajnim podacima manjeg stepena tajnosti.

Komisiji za rješavanje žalbi u postupku sigurnosnog provjeravanja Vijeća ministara Bosne i Hercegovine, od strane Uprave policije, prosljeđene su dvije (2) žalbe (H.D. i J.B).

Za 34 uposlenika pokrenute su procedure na popunjavanju sigurnosnih upitnika, dok su prema Državnoj agenciji za istrage i zaštitu BiH upućeni zahtjevi za vršenje osnovne sigurnosne provjere za tri (3) uposlenika, a prema Obavještajno-sigurnosnoj agenciji Bosne i Hercegovine, upućeni su zahtjevi za vršenje proširene sigurnosne provjere za 30 uposlenika.

Ministarstvu sigurnosti Bosne i Hercegovine – Sektoru za zaštitu tajnih podataka, upućeni su zahtjevi za izdavanje dozvola za pristup tajnim podacima za 195 uposlenika. Broj preuzetih dozvola od Ministarstva sigurnosti Bosne i Hercegovine je 366.

Policijski komesar je direktno, te posredstvom nadležne organizacione jedinice, Odjeljenja za odnose s javnošću, tokom izvještajnog perioda, nastavio dobru saradnju s medijskim kućama i medijskim profesionalcima u Bosni i Hercegovini i inozemstvu, koji su objavili veći broj vijesti i intervjua u vezi sa stanjem javnog reda, kriminaliteta i sigurnosti saobraćaja na području Kantona Sarajevo, čime je osiguran zadatak i cilj Uprave policije da objektivno, tačno i precizno informiše





javnost o svim sigurnosnim događajima. Tokom izvještajnog perioda, u ovoj oblasti policijski komesar je preduzeo sljedeće:

- naložio slanje 382 dnevne vijesti pisanim i elektronskim medijima,
- naložio slanje 42 izdvojene vijesti i saopštenja za javnost,
- odobrio davanje 131 izjavu za medije, • dao saglasnost za učestvovanje u TV i radio emisijama u 18 slučajeva.

Istovremeno policijski komesar je dao nalog da se u formi posebnih saopćenja i/ili objava i informacija, isprate i promoviraju druge aktivnosti u Upravi policije i Ministarstvu. Inicirao je ažuriranje web-prezentacija MUP-a Kantona Sarajevo, tako da su aktivnosti izvršavane redovno i dinamikom diktiranom tekućim događajima. U izvještajnom periodu, u skladu s odredbama posebnog propisa, naložio sam obradu i postavljanje na službenu web-stranicu 60 dokumenata - odluke i ugovori, te 504 pojedinačnih akata Uprave policije i Ministarstva, u skladu s Uredbom o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo.

## 6.6. Migranti

Poseban segment rada predstavlja svakodnevno iniciranje, planiranje i realizacija mjera na prevenciji i zakonskom procesuiranju lica migrantske populacije koji su na području Kantona Sarajevo vršili protupravne radnje. U izvještajnom periodu usmjeravan je rad Operativnog tima za pitanje migranata u rješavanju problematike uzrokovane boravkom i kretanjem migranata na području Kantona Sarajevo, na način da je nalagano vršenje kontrole migranata i provođenje operativnih akcija, pri čemu su policijski službenici Uprave policije izvršili kontrolu ukupno 24 migranta od kojih je jedan (1) predat Službi za poslove sa strancima, a pet (5) osobe je lišeno slobode zbog počinjenih osam (8) krivičnih djela.

Prema dostavljenim podacima IOM-a, zaključno s 30. septembrom 2023. godine na području Kantona Sarajevo boravi oko 1.184 migranata, što je za 52,51% manje u odnosu na uporedni period.

## 7. Edukacija

Na osnovu planiranih aktivnosti Planom i programom stručnog usavršavanja policijskih službenika Uprave policije MUP-a KS za 2023. godinu, broj: 02/1-2-10/23 od 13.01.2023. godine, u izvještajnom periodu, kroz programe internog i eksternog stručnog usavršavanja policijskih službenika realizovani su moduli stručnog usavršavanja policijskih službenika Uprave policije za 2023. godinu, kroz koji su prošla ukupno 135 policijskih službenika, i to:

- Kroz program internog stručnog usavršavanja – 105 policijskih službenika,
- Kroz program eksternog stručnog usavršavanja – 30 policijskih službenika.



## 7.1. Program internog stručnog usavršavanja

Odjeljenje za edukaciju Ureda policijskog komesara je kroz donošenje posebnih Planova i programa internog stručnog usavršavanja o temama koje su planirane u godišnjem Planu, organizovalo je i realizovalo šest modula internog stručnog usavršavanja i to:

- 07.07.2023, šest nastavnih sati „Uviđaj u forenzičko-kriminalističkim istragama – pokazne vježbe istraživanja lica mjesta i prikupljanje tragova“ – II grupa – obuku prošla 34 policijska službenika;
- 14.07.2023, šest nastavnih sati „Uviđaj u forenzičko-kriminalističkim istragama – pokazne vježbe istraživanja lica mjesta i prikupljanje tragova“ – III grupa – obuku prošla 34 policijska službenika;
- 27.07.2023, šest (6) nastavnih sati, „Sprečavanje mučenja i neljudskog ili ponižavajućeg postupanja ili kažnjavanja prema osobama lišenim slobode“ – III grupa – obuku prošla 33 policijska službenika;
- Uprava policije, vodeći računa o dugoročnom i strateškom planiranju jačanja kapaciteta izvršilaca poslova i zadataka kriminalističkog tehničara u Odjeljenju za kriminalističku tehniku i forenziku Sektora kriminalističke policije, nakon uspješno završene napredne obuke “Obrada lica mjesta krivičnog djela”, koja se izvodila od 27.06. do 08.07., kroz teorijski dio i praktični pokazni dio obuke, od strane Fakulteta za kriminalistiku, kriminologiju i sigurnosne studije UNSA, kroz nastavak praktičnog dijela stručnog usavršavanja planiran je nastavak praktičnog dijela obuke za tri (3) grupe policijskih službenika od po četiri (4) policijska službenika u Odjeljenju za kriminalističku tehniku i forenziku. Za I grupu raspoređena su četiri policijska službenika na tromjesečni period praktične obuke u periodu od 20.07. do 20.10.2023. godine.

## 7.2 .Program eksternog stručnog usavršavanja

Kroz program eksternog stručnog usavršavanja, u različitim modulima, prošlo je ukupno 30 policijskih službenika.

Odjeljenje za edukaciju Ureda policijskog komesara u izvještajnom periodu provodilo je proceduru provjera ispunjavanja uslova za učešće i upućivanje policijskih službenika, a nakon provedenih procedura odabira za učešće 19 policijskih službenika iz policijskih agencija u Bosni i Hercegovini u mirovnu misiju UN-a u Južnom Sudanu UNMISS, među kojima je i pet (5) policijskih službenika Uprave policije, na osnovu date saglasnosti Policijskog komesara.

## 8. Rad policije u zajednici

Tokom izvještajnog perioda, Policijski komesar je dao saglasnost i konkretne upute policijskim službenicima iz Odjeljenja za prevenciju maloljetničkog prijestupništva, nasilja u porodici i rad policije u zajednici za preduzimanje potrebnih aktivnosti u cilju uspostavljanja što bolje saradnje s građanima, mjesnim zajednicama, školama, predstavnicima vjerskih zajednica, udruženjima građana i nevladinim organizacijama. Policajci u zajednici su svakodnevno na terenu, te kroz proaktivno prisustvo i lične kontakte s građanima, socijalnim radnicima, pedagogizima, direktorima i



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

16/20

drugim osobljem javnih ustanova i mjesnih zajednica, nastoje stvoriti povoljniji ambijent za život svih kategorija stanovništva, a posebno za manjinske grupe i vulnerabilne kategorije stanovništva.

Također, policajci u zajednici su svakodnevnim prisustvom na terenu, redovnim obilascima objekata gdje je povećano prisustvo građana, radili na prevenciji izvršenja krivičnih djela, narušavanja javnog reda i mira, te drugih prekršaja.

Tokom izvještajnog perioda, uz saglasnost policijskog komesara i odgovarajuće konkretne upute, policijski službenici Odjeljenja za prevenciju maloljetničkog prijestupništva, nasilja u porodici i rad policije u zajednici realizovali su sljedeće aktivnosti:

- Inspektor za prevenciju maloljetničkog prijestupništva – koordinator je ostvarivao svakodnevnu komunikaciju s tužiocima za maloljetnike Kantonalnog tužilaštva Kantona Sarajevo, kao i s istražiteljima za maloljetničko prijestupništvo Uprave policije, Službama za socijalnu zaštitu Kantona Sarajevo, kao i vladinim i nevladinim sektorom uključenim u rad s djecom i maloljetnicima;
- Inspektori su kroz pisane informacije obavještavali javnost, a na osnovu upita predstavnika medija, o pitanjima iz oblasti nasilja u porodici, izazivanja požara i Zakona o slobodi pristupa informacijama;
- Dana 18.07.2023. godine, Federalnom ministarstvu unutrašnjih poslova dostavljena je Informacija za vremenski period od 01.07.2022. godine do 01.07.2023. godine, a koja se odnosi na djecu u kontaktu sa zakonom, nasilju nad i među djecom, dostavu podataka o vaspitnim i drugim mjerama utvrđenim Zakonom o zaštiti i postupanju s djecom i maloljetnicima u krivičnom postupku, a izrečenim od strane policijskih službenika Uprave policije MUP-a Kantona Sarajevo i dostavu podataka o eventualnim projektima i planovima koji se odnose na sprečavanje maloljetničke delikvencije, nasilja nad djecom i među djecom uključujući i sprečavanje nasilja u digitalnom okruženju;
- Dana 20.07.2023. godine – prisustvo sastanku Radne grupe za izradu radnog dokumenta kroz izradu dokumenta/šeme komunikacije multisektorskog postupanja u iznenadnim, kriznim situacijama u školama u Kantonu Sarajevo;
- Federalnom ministarstvu unutrašnjih poslova dostavljeni podaci iz oblasti nasilja u porodici za vremenski period 2022. godine i januar – juni 2023. godine;
- Dana 31.07.2023. godine dostavljena je informacija Ministarstvu za odgoj i obrazovanje Kantona Sarajevo u vezi s poduzetim aktivnostima Uprave policije MUP-a Kantona Sarajevo, na osnovu Zaključka Vlade Kantona Sarajevo od dana 22.05.2023. godine koja se odnosi na izradu dokumenta/šeme komunikacije multisektorskog postupanja u iznenadnim, kriznim situacijama u školama u Kantonu Sarajevo;
- Dana 08.08.2023. godine – prisustvo sastanku Radne grupe za izradu radnog dokumenta kroz izradu dokumenta/šeme komunikacije multisektorskog postupanja u iznenadnim, kriznim situacijama u školama u Kantonu Sarajevo;
- Dana 14.08.2023. godine, sačinjena je Informacija u vezi s nasiljem u porodici sa statističkim podacima, a prema usmenoj naredbi Policijskog komesara;
- Dana 15.08.2023. godine – prisustvo sastanku Radne grupe za izradu radnog dokumenta kroz izradu dokumenta/šeme komunikacije multisektorskog postupanja u iznenadnim, kriznim situacijama u školama u Kantonu Sarajevo;



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax: + 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

17/20

- Dostavljen Plan preventivnih aktivnosti za školsku 2023/2024. godinu, a po usmenom Zahtjevu načelnice Odjeljenja za odnose sa javnošću;
- Dana 25.08.2023. godine, postupajući po aktu Ministarstva za odgoj i obrazovanja Kantona Sarajevo, sačinjen akt koji je upućen prema Sektoru uniformisane policije radi imenovanja kontakt osobe za formiranje i rad “Školskih saobraćajnih patrola” u osnovnim školama u Kantonu Sarajevo;
- Ministarstvu za odgoj i obrazovanje Kantona Sarajevo dostavljen prijedlog tema za edukativne radionice koje će biti realizovane u školskoj 2023/2024. godini, za šta je dobijeno odobrenje navedenog Ministarstva;
- Dana 24.08.2023. godine – prisustvo sastanku Komisije za ravnopravnost spolova Skupštine Kantona Sarajevo;
- Dana 28.08.2023. godine – učešće u konferenciji za javnost Vlade Kantona Sarajevo radi prezentacije Smjernica/Sheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo;
- Dana 29.08.2023. godine – prisustvo konferenciji u organizaciji Ministarstva za odgoj i obrazovanje Kantona Sarajevo o temi „Dobrobit djece/učenika i prosvjetnih radnika- predstavljanje rezultate istraživanja o psihofizičkom zdravlju s preporukama“;
- Dana 07.09.2023. godine – prisustvo sastanku Koordinacionog tijela za prevenciju, zaštitu i borbu protiv nasilja u porodici u Kantonu Sarajevo, gdje su razmatrane primjedbe na Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, a u cilju upućivanja istog u daljnju proceduru;
- Dana 19.09.2023. godine inspektorica održala predavanje za 30 mladih na zahtjev “Global analitike”-”Hub Homework” akademije za buduće lidere o temi “Odgovor na nasilje nad ženama u okviru institucionalnih okvira”;
- Inspektori iz Odjeljenja koordinirali aktivnosti na realizaciji pripreme za festival “Dječiji kutak 2023 Skenderija”, zajedno s PS Centar, Sektorom za policijsku podršku, Jedinicom za saobraćaj, koji se realizovao od 23. do 24.09. 2023. godine;
- Dana 20.09.2023. godine – prisustvo sastanku Radne grupe za analizu i unapređenje zakona o zaštiti od nasilja u porodici, kao i dosljedniju primjenu istraga;
- Inspektorica iz Odjeljenja držala je predavanja u PSOTIC Centru u Butmiru vezano za predmisione obuke u periodu od 20.09. do 06.10.2023. godine;
- Dana 28.09.2023. godine – prisustvo na Konferenciji „Strateške politike prema mladima Kantona Sarajevo“.

Tokom izvještajnog realizovane su sljedeće aktivnosti iz nadležnosti rada Odjeljenja za prevenciju maloljetničkog prijestupništva, nasilja u porodici i rad policije u zajednici kroz realizaciju edukativnih radionica u predškolskim obrazovnim ustanovama, osnovnim i srednjim školama u Kantonu Sarajevo, i to kako slijedi:

- održano devet (9) edukativnih radionica o temi „Stop vršnjačkom nasilju“, u saradnji s nastavnim osobljem za 183 učenika osnovnih škola;
- održane 73 edukativne radionice o temi „Dijete u saobraćaju“, u saradnji s nastavnim osobljem za 5.413 učenika osnovnih škola; • održano je deset edukativnih radionica o temi „Cyberbullying“, u saradnji s nastavnim osobljem za 206 učenika osnovnih škola;



- održana jedna edukativna radionica o temi „Cyberbullying“, u saradnji s nastavnim osobljem za 71 učenika srednjih škola;
- održana jedna edukativna radionica o temi „Oružje ne štiti, oružje ubija“, za 48 učenika srednjih škola;
- održane tri (3) edukativne radionice o temi „Lopov uvijek bude otkriven“, u saradnji s nastavnim osobljem za 104 učenika osnovnih škola;
- održane dvije (2) edukativne radionice o temi „Prevenција maloljetničkog prijestupništva Prava i obaveze“, u saradnji s nastavnim osobljem za 245 učenika osnovnih škola.

Tokom izvještajnog perioda ostale aktivnosti policajaca u zajednici su realizovane kako slijedi:

- policajci u zajednici su održali devetnaest sastanaka s predstavnicima MZ, koji su rezultirali rješavanjem problema iznesenim od strane predstavnika istih;
- policajci u zajednici su održali jedan sastanak s predstavnicima KUD-a, jedan sastanak s predstavnicima Centra za socijalni rad, jedan sastanak s predstavnicima vjerskih ustanova, jedan sastanak s građanima jednog od sektora na staničnom području, jedan sastanak s povratnicima i manjinskim narodima i učestvovali u 11 kulturno-umjetničkih manifestacija i ostalih javnih skupova na području Kantona Sarajevo, koji su rezultirali ostvarivanjem saradnje i uspostavljanjem povjerenja između policije i građana;
- policajci u zajednici su vodili evidencije za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostvarivali kontakt sa žrtvama nasilja kao i sa nasilnikom, kako bi osigurali poštivanje izrečenih zaštitnih mjera, veći stepen sigurnosti za žrtve kao i preventivno djelovanje na eventualno ponavljanje nasilja;
- policajci u zajednici su po pozivima osnovnih i srednjih škola učestvovali na više različitih multisektorskih sastanaka u cilju preveniranja neželjenih događaja i ponašanja u školama i oko njih;
- policajci u zajednici su vršili pojačan obilazak autobuskih, tramvajskih i trolejbuskih stajališta, a u cilju nesmetanog odlaska i povratka djece sa nastave, kao i građana prilikom odlaska i povratka na posao, kako bi se prevenirala eventualna izvršenja krivičnih djela i narušavanje javnog reda i mira;
- policajci u zajednici su ostvarivali kontakte s građanima iz reda romske populacije i migrantima, čime su preventivno djelovali na pojavu narušavanja javnog reda i mira prosjačenjem, kao i eventualnog činjenja krivičnih djela krađa; vršen je obilazak mjesnih zajednica, te ostvareni brojni kontakti sa sekretarima i članovima savjeta u cilju unapređenja osjećaja sigurnosti i jačanja povjerenja građana u rad policije;
- policijski službenici Uprave policije MUP-a Kantona Sarajevo su se uključili u rad na formiranju „Školskih saobraćajnih patrola“ i prisustvovali koordinacionom sastanku u okviru Ministarstva za odgoj i obrazovanje Kantona Sarajevo, gdje je prezentiran Plan i program obuke za školske saobraćajne patrole.

## 9. Evidentirani pozivi javnih preduzeća u KS – zahtjevi za intervenciju

Policijske uprave policije MUP-a Kantona Sarajevo u izvještajnom periodu su evidentirale 70 zahtjeva za intervenciju od strane javnih preduzeća. U svim slučajevima policijski službenici



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-055, Fax: + 387 (0) 33 562-210  
 Web: <http://skupstina.ks.gov.ba>  
 E-mail: [skupstina@skupstina.ks.gov.ba](mailto:skupstina@skupstina.ks.gov.ba)

19/20

Uprave policije su izašli na teren (zahtjevi su upućeni od strane javnih preduzeća “RAD”, ”GRAS”, “POKOP”, “PARK”, “Sarajevo-šume”, “Elektrodistribucija”, “Autoceste FBiH” i “Vodovod i kanalizacija”).

Broj: 01-04-101- 9 /24  
Datum:29.01.2024.godine

PREDSJEDAVAJUĆI  
NEZAVISNOG ODBORA

Adis Šečić



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

20/20